

堯山堂外紀卷八十六

晉陵蔣仲舒編

國朝

程信 字彥實世居徽之休寧敏政學士
之父劉儼榜進士號晴洲釣者

程襄毅公參贊南都日左璫安寧時為守備燕公

設席中為已坐而以公位其下公心不平蓋中

官雖為主亦居首席六卿而下皆列坐焉公戲

為一絕云主人首席客居旁此理分明大不祥

若使周公來，宋備定因屋上放交床。安見詩遂分賓主。

李西涯為程襄毅公賦晴洲釣者曰：一曲晴洲勝浣花。尚書不似野人家。溪頭雨過雲隨日，浦口鷗來水動沙。詩興平生在泉石，宦途憂國換年華。江南舊宅經遊地，分付春風管釣槎。

盛景

字允高，吳江人。柯潛榜進士。

盛允高初為御史，有聲。後奏事被謫，為古田典史。

未幾陞羅江知縣。所至皆有山水之勝，為詩曰：性懶才疎官亦拙，天然處處有青山。銓司頗信為知命，一度遷移一度閑。

羅江縣公署後有土地祠，前令所主，頗著

靈異。令有事必禱焉。祭享無虛月。自景蒞任，不復然。一日私解，失所畜雞，尋之乃在神前。舒翼伏地，如被釘者。以問輿皂輩，皆言神以久不祭，故見譴耳。景怒，至神祠，斥數其神，因舉意欲毀之。是夜夢中見神來謝罪，懇曰：余血食於此者累年，不敢為過。昨日雞被釘，乃鬼卒輩苦饑，故為之。非余敢然也。公幸憐之，勿毀。景不許。明日遂撒去之。其前令者既秩滿，即畱家於縣署。後夜夢神來訴，乞立廟。詰之曰：何不更訴新令？神蹙額曰：須公自為之耳。彼盛公嚴威，不敢干也。

令乃即所居
旁建祠祀之

張寧

字靖之號方洲海寧人孫賢梅進士景泰天順間為諫官第一英廟嘗稱為

我張寧云

張方洲有感事詩二首蓋為英宗北狩而作其

一云羽書昨夜報居庸百萬雄師下九重天子

垂衣臨大漠羣臣端笏扈元戎禁中已乏回天

諫闔外誰成闢地功千古澶淵扶日轂令人長

憶寇萊公其二云寶馬朱輪接上游時危誰解

奉天憂鼎湖龍去英雄盡劔閣雲深日月愁王

輦已隨胡地草青山依舊漢宮秋元勳野死潼

關破誤國何人更首丘

成化初張方洲忤權要出為汀州知府無何引疾

歸田雅好山水歲率一再至杭州至輒攜親朋

出遊西湖訪孤山吊岳墳登天竺綵舟蠟屐隨

意所之興至呼筆大篇短章頃刻立就題蘇堤

春曉云楊柳滿長堤花明路不迷畫船人未起

堯山堂外紀卷八十六
側枕聽鶯啼。平湖秋月云風靜。片雲消。寒波浸。
涼月。疑有夜吟人。推篷落楓葉。花港觀漁云圍。
圍復洋洋。芟青露藻香。前湖張水戲。誰解步濠。
梁柳浪。聞鶯云藜杖。憇蘇灣。風溫翠漲閒。驚聞。
雙語鳥。如在畫船間。三潭印月云片月生滄海。
三潭處處明。夜船歌舞處。人在鏡中行。南屏曉。
鐘云幽夢忽驚覺。嚴城方向晨。看花春起早。已。
有曉妝人。兩峰出雲云南峰雲乍晴。北峰雲欲。

雨中有化霖人高。眠兩峰裏。雷峰夕照云爽朗。
忽蒼茫。山高易夕陽。百年歌舞地。消得幾昏黃。
麴院風荷云涼氣度方洲。香來水正流。時聞採。
蓮曲。不見採蓮舟。孤山梅雪云春意逼溪橋。寒。
香閉蓬戶。山人不出門。驛使在途旅。

方洲又善丹青題若水石榴圖云涼風蕭颯紅錦。
裳。翠袍漸染燕支香。琅玕枝重壓欲折。青女夜。
拆珍珠囊。金鋼碾碎鴉鶻石。絳綃迸徹玲瓏色。

葡萄酒盡蔗漿空。一顆靈丹透詩骨。又枇杷園

云東州奇花凌早寒。吳山月廊香半酣。何人誤

作上林賦。病骨却思黃蠟丸。同時不數楊家果。

三寸吳柑空萬顆。會須載酒醉西園。一樹黃金

壓枝墮。方洲有二妾一寒香姓高氏一晚翠姓李氏年可十六七皆端潔慧悟公老益

愛重之及病將革無子諸姬年長者悉命出之二氏獨不忍去因泣請曰妾二人有死無貳幸

及公目未瞑願賜一閣同處且封鑰之第雷一寶以進湯粥誓以死殉公也遂引刀各截其髮

以示無他賜公命從之乃寂居小閣絕不與外間通聲問及卒乃設席閣中旦夕哭臨服三年

喪不闕戶者五十餘年嗣子曰嘉秀字文英舉

嘉靖己丑進士其畫錦歸也二氏因語人曰妾

等犬馬之齒已踰七旬幸不辱先公于地下他

日相從可無汗顏矣又况有佳後邪于是即日

令啓鑰而出之遂為之奏聞旌之曰雙節莫

不憐且敬之遂為之奏聞旌之曰雙節莫

丘濬字仲深號瓊山孫賢榜進士最號博學

有一屋散錢却少一條索子公聞之曰劉

先生有一屋散錢却少一條索子公聞之曰劉

所作史論必以嗚呼起

之人遂稱為丘嗚呼

瓊州定安縣南有五指山即黎母山瓊崖之望也

丘文莊公少時詠詩曰五峰如指翠相連撐起

炎州半壁天，夜盥銀河摘。星斗朝探碧，落弄雲
煙雨餘玉筍。空中見月出，明珠掌上懸。豈是巨
靈伸一臂，遙從海外數。中原識者知其異，日必
貴後竟如言。

丘瓊山嘗過金陵，寓新河客邸。鄉友馮元吉誦宋
人周明老龜山迴文詩，瓊山笑曰：「此詩用意曲
折，命辭瀏亮，信爲難及矣。但其中潮浪浦泉波
水等字太多，不免重複。」旣曰綠水，又有雲接海

之句，則一意而兩出矣。當漁舟釣月之時，又安
得紅霞映日乎？乃以夜宿江館爲題，次韻一首。
曰：潮生海岸兩崖傾，落月江楓映火明。橋透白
波流水遠，屋連紅樹帶霜清。迢迢漏盡寒更曉，
片片雲收夜雨晴。遙望楚天江渺渺，芙蓉盡處
落鴻輕。

丘文莊公學博貌古，然心術不可知。嘗與同寅劉
閣老吉不協，劉作一對書其門曰：貌如盧杞心

尤險學比荆公性更偏時論頗以為然

丘嘗以糯米淘

淨拌水粉之瀝乾計粉二分白麩一分搜和團為餅其中餡隨用燂熟為供軟膩甚適口以此餅托中官進上上食之嘉命尚膳監效為之進食不中式司膳者俱被責蓋不知丘之法製耳因請之丘不告以故中官嘆曰以飲食服飾車馬器用進上取宥此吾內臣供奉之職非宰相事也識者貴其言而鄙丘由是京師傳為閣老餅又所進衍義補中間並無斤及內臣一言說者謂其書必欲進也必揣近侍喜斯刻之此其心術之微也

丘仲深初與餘姚戚文湍瀾同館友善文湍以母喪歸服闋將入都至錢塘疾作死杭有神降自

稱戚編修死為錢塘潮神人敬祠之弘治甲寅

瓊山夫人吳氏至京師道出鄱陽夜夢戚揖之

且告以來日將有風波之厄戒勿行比明天極

晴朗夫人故以他事緩之同艤數十舟行無何

皆遇暴風雨漂沒獨夫人舟無恙至京以告公

公為詩文遣官齋御酒香帛至浙江屬布政使

李贊望錢塘祭之其詩曰幽顯殊途隔死生九

原猶有故人情曼卿真作蓉城主太白常留翰

苑名念我明明來入夢哀君惻七每吞聲朝回
坐對黃封酒悵歎雞壇負舊盟明年公薨夫人

扶柩歸經錢塘時贊猶在任仍設祭江滸以戚

公配享

戚李士瀾美髯院中呼戚鬚與陳司成
鑑會宴校漆木壺陳顧戚曰戚鬚投漆

壺真壺也假壺也戚應声曰
陳鑑看臣鑑善鑑欬惡鑑欬

吳伯通

字原明蜀順慶
人彭教榜進士

吳伯通為浙省提學副使士子專取功夫時初李
作文多不根為其罷出者衆羣往御史臺求試

御史復發吳公吳出題鼃鼃蛟龍魚鼃生焉論

題乃一滾出來文難措辭而論又涉于性理取

者無幾甚為吳所辱有朝之者曰三年王制選

英才督學無名告栢臺誰知又落吳公網魚鼃

蛟龍滾出來聞者絕倒

正德中御史某按浙以
龍宮海藏命題試且云

記出處者東立不記者西退東西各半已而東
二者所作不稱意無賞西退者作詩誚之云東

廊且莫笑西廊我笑東廊枉自忙海
藏龍宮無你分大家隨我渡錢唐

陸容

字文量著述甚富有式
齋稿菽園雜記等書

陸式齋少美風儀天順三年應試南京館人有女善吹簫夜奔公寢公給以疾與期後夜女退遂作詩云風清月白夜牕虛有女來窺笑讀書欲把琴心通一語十年前已薄相如遲明托故去之是秋領薦時年二十四

陸式齋在成化間畱滯郎署最久其遷職方也李西涯時爲學士戲語之曰先生其知幾乎曷爲又入職方也式齋應聲曰太史非附熱者奈何

只管翰林耶聞者以爲善謔

陸式齋一日與張給事宴投壺中耳給事曰信是陸兵曹開手便中帖木耳式齋荅云可惜張給事閉口常學磨堯堅給事有慚色

焚書祇是要人愚人未愚時國已虛惟有一人愚不得又從黃石讀兵書此題焚書坑不知何人所作陸式齋常誦之

吳中鄉村唱山歌大率多道男女情致而已惟一

歌云南山脚下。一缸油。姊妹兩箇合梳頭。大箇梳做盤龍髻。小箇梳做羊蘭頭。不知何意。朱廷評樹之嘗以問陸式齋。陸思之翼日報云。此歌得非言人之所業本同。厥初惟其心之趣向稍異。則其成就遂有大不同者。作如是觀。可乎。樹之云。君之穎悟過我矣。作如是觀。此山歌第一曲也。

莊景

字孔陽。江浦人。羅倫榜進士。成化丁亥冬。上命製明年元宵煙火花燈令。翰

林各賦詩為上元賞翫之具。時黃仲昭素愬為編脩。景為檢討。不應制。先是倫以論李賢被謫。號翰林四諫。

莊景喜為詩。詠包節婦云。二十夫君棄妾身。諸郎癡小舅姑貧。已甘薄命同衰葉。不掃蛾眉別嫁人。化石未成猶有淚。舞鸞雖在不驚塵。窻獨對東風樹。歲歲花開他自春。羅一峰見之曰。可。以泣鬼神矣。景不以為然。惟乾坤鳶魚老眼脚頭之類。自謂為佳云。

陳公甫作詩多用日月莊孔陽多用乾坤有嘲者
曰公甫朝朝吟日月莊生日日弄乾坤

莊定山詩贈我一壺陶靖節還他兩首邵堯夫有
滑稽者改作外字荅京官苞苴云贈我兩包陳
福建還他一匹好南京聞者捧腹

張弼字汝弼華亭人羅倫榜進士家近東海因以自號

張東海下第渡江賦詩云揚子江頭獨問津風波
如舊客愁新西飛白日忙于我南去青山冷笑

人孤枕不離鄉國夢救裘猶帶帝城塵交遊落
落俱星散吟對沙鷗一愴神

張東海作假髻篇諷刺時事其詞曰東家女兒髮
委地日日高樓理高髻西家女兒髮垂肩買妝
假髻亦戕然金釵寶鈿圍珠翠眼底誰能辯真
偽天桃窻下來春風假髻美人先入宮當路銜
之乃出領郡符為南安守南安小郡也以張故
為名邦

張東海將赴南安作長短句一篇云東海先生歸也。南安太守新除。一挑行李兩船書。被人笑道痴愚。書也。書寒不堪穿。饑不堪煮。收拾許多何用。處况而今白髮蒼顏。坐黃堂之署。乘五馬之車。那得工夫。再看渠。又將載到南安去。古人糟粕。誰味真腴。枉說道黃卷中時。與聖賢相對語。張汝弼赴南安道經毘陵時。陸詹事簡方得告南歸。張訪之。適展幕不及見。乃索紙筆題一絕於

陸世經堂徑去詩曰。雲意模糊雪意兼。六龍城下晚風尖。始知東閣先生貴。不放南安太守參。詹事歸亟追之。已行遠矣。既去復令驛吏裹送武城梨數顆。亦侑以詩。有毘陵驛裏饋生梨之句。蓋叶梨爲離亦戲也。此後不復一見。以終遂以爲讖。

成化間妖人王臣者跛一足。人稱王瘸子。遊食京師。以左道事中貴。得授錦衣千戶。請爲上合

大丹以採藥爲名與中貴偕出川廣直浙等處
買辦搜索寶玩需求珍異騷擾郡縣及回京爲
各處撫巡守令交章飛劾而科道併彈於是
上大怒斬臣首傳詣所歷地方梟令民心大快
初臣至廣東張東海時守南安目覩其驕橫嘗
作詩歎曰過嶺囊箱下瀨船丁夫晝夜少安眠
薄田蕩盡猶輸稅惡客時來橫索錢窮髮東南
皆赤子舉頭西北是青天不才無計甦民困食

祿乘軒自赧然

王景明之南京張東海贈之詩曰谷陽城外送離
船矯首南都思惘然一語煩君三致意同鄉同
志及同年冬官王公偉輩以爲未盡交游者乃
益之曰同官同事同游者問及都將此意傳因
著六同詩話

張東海休致既早子皆成名殊無一事累心蘇州
別駕周德中目爲神仙太守張以詩答云歸休

太守似神仙。布被蒙頭。日夜眠。却怪門前來熟
客馬蹄踏破紫芸烟。

張東海咏寒號蟲云。得過且過。飲啄隨時度。朝暮
得隴望蜀。徒爾爲未知。是福還是禍。得過且過。
張東海過蘇步坊賦詩曰。東坡昔日此閑行。此地
遂畱蘇步名何事。章惇瘞毛骨。子孫羞認是先
塋。

宋徽宗時朱勔領花石綱。有龍鱗薜荔一株。費銀

二千兩。東海偶見薜荔。感而賦之。薜荔長龍鱗。
相看似可人。聖朝無良獄。那值二千銀。

陳獻章

字公甫。居廣之新會縣白沙村。天下稱白沙先生。至兒童婦女亦皆目爲

陳道統云。嘗夢拊石琴。見一偉人。笑謂曰。八音中惟石音難諧。今諧若是。子異日得道乎。因別號石齋。既老更號石翁。

陳白沙當成化初會試。雖負重名。亦投時好。競出
新奇。作老者安之。朋友信之。少者懷之一題。其
破云。物各有其等。聖人等其等。考官戲批其傍。

云若要中進士還須等一等。傳者莫不絕倒。陳白沙下第有神見夢於人曰陳先生卷為某投之水矣。先是獻章寓居神樂觀科道羣公往來請益。既而某被劾疑出曰沙故特惡之。且曰彼戴秀才頭巾爾動人。若是脫居要路當何如耶。揭曉編修李東陽為同考官主書經房索落卷不可得。欲上章自劾。冀根究焉。不果。時京師有會元未必如劉戩及第。何人似獻章之謠。以及

輿夫販卒莫不嘖嘖歎恨

戩字景元安福人後乙未榜眼及第

成化壬寅陳白沙應詔之京道過南安太守張東海欲用曹參禮蓋公故事款留數月受教白沙不可東海不能強白沙有詩曰玉枕山前逢使君西風吹破玉臺巾巾乃白沙自製類華陽巾直方而無襞幘者東海恨謂白沙譏已遂以一絕激之曰白沙村裏玉臺巾不奈風吹易染塵莫笑烏紗隨俗態宋廷章甫是何人白沙得詩

謂東海侮已太甚。便口占玉枕山詩曰：一枕橫
秋碧玉新。金鰲閣上見嶙峋。使君得此元無用。
賣與江門打睡人。東海和答曰：炎瘴多收一雨
新。獨看天柱聳嶙峋。橫秋玉枕真無用。自是乾
坤不睡人。天柱峰亦南安照山也。蓋東海欲自
依天柱而以玉枕與白沙云。既而又作二絕。客
囊羞澁客衣單。却買南安玉枕山。縱有枕頭那
得睡。雞聲催入紫宸班。寄語江門打睡人。而今

天地正芳春。覺來莫管閑花鳥。須掃崑崙頂上
塵。又繼之一絕曰：青茸鋪榻玉枕橫。白雲爲被
天作幘。東海先生睡不着。日月當天正大明。未
幾武選郎餘干蘇文簡由廣東使還。具道白沙
之師吳康齋亦千載人物。東海方悟不惟深喜
得聞前輩名德有所持循。且以謝玉臺巾之過
漫賦一詩曰：耳根何處得浮塵。浪說康齋識未
真。風月周臺燈火夜。伊川路上見斯人。因遺書

白沙曰玉枕山不必買當長揖白送矣

張東海又有贈陳白沙一絕云平生渾未識丹砂

赤土時將向客夸忽憶自家丹一寸辰砂猶自

隔天涯蓋譏其不得進士乃假道學以欺人也

此時猶未釋然於白沙故云

按察使薛綱始疑白沙及見即欲解官從學有詩

曰欲拋事業畱門下老驥那能學駿奔進士姜

麟以史事使貴州特取道如白沙以師禮見至

京師有問之對曰活孟子活孟子

憲廟升遐哀詔至廣白沙哭之慟有詩曰三旬白

布裹烏紗六載君恩許臥家溪上不曾攜酒去

空教明月管梅花

成化丙午嘉興巫者召仙降筆問時事以十二辰為詩云

勸君莫讀相鼠詩勸君莫歌飯牛辭騎虎之勢不能下狡兔三窟將焉之神龍未遇困淺水虺

蛇鯁鯁爭雄雌千金駿馬買死骨神羊觸邪安所施沐猴也作供奉官鬪雞亦是五百兒獠犬

下陛走牧猪奴獻令人唾次年憲宗厭代

白沙初年甚窶嘗貸粟於鄉人都御史鄧廷瓚檄

有司月致米一石歲致人夫二名却之以詩云
孤山鶴啄孤山月。不要諸司費俸錢。行人左輔
出使外夷以其師意致白金三十星亦拒而不
受

白沙能作古人數家字天下人得其片紙藏以為
家寶山居筆或不給至束茅代之晚年專用自
成一家時呼為茅筆字有詩曰神往氣自隨。氤
氲覺初沐。聖賢一切無。此理何由矚。調性古所

聞熙熙兼穆穆耻獨不耻獨茅根萬莖禿

弘治間李若虛任廣之憲使有以舊交謁者若虛
轉致以見白沙併求言贈之白沙少學於臨川
吳聘君詢知其所居與舊同學聘君之壻厚
郭胡君全者為里閭乃以幅紙寫一絕云居鄰
厚郭一雞飛桂樹于今大幾圍老憶舊時燈火
伴青山何處望霏微桂樹乃昔遊豐城時見胡
庭之所植也蓋以憲使代請不得不言在其人

又不欲輕言故贈之如此

陳白沙善畫梅人持紙求索者多無潤筆白沙題其柱云烏音人人來或詰其旨乃曰不聞烏聲曰白畫白畫客爲之絕倒

弘治庚申三月白沙病亟前數日蚤具朝衣朝冠命子弟扶掖焚香北面五拜三叩首曰吾辭吾君復作一詩云託仙終被謫託佛乃多修弄艇滄溟月聞歌白玉樓白吾以亂世歿之日頂出

白氣勃勃如蒸竟日乃息

胡居仁

餘干人敬齋先生

胡敬齋嘗夜行山曲間後有鬼呼胡先生數聲公若不聞鬼復曰我有一對請先生對風急有舟人莫渡公亦不荅復笑曰我替先生對之月明無伴路休行公前行不顧鬼遂不見

胡敬齋嘗過徐孺子祠下作詩曰漢豎紛二不可爲先生明哲已先知如何不把幾微事說向陳

蕃下榻時。

陳愛成都人

成化間陳愛隱居華陽有臬使兩以書召見輒逃不應臬使怒使人拘至將譴責之處士從容以詩投曰折簡慙慙累見尋布衣寧敢謁朝簪明公有道持身正賤子無能感德深栢府風霜尊偉望柴門山水遂閒心雲泥兩地無勞顧魚戀深淵鳥戀林臬使覽詩從容禮遣之

終

堯山堂外紀卷八十七

晉陵蔣仲舒編

國朝

李東陽

字賓之號西涯茶陵人父名淳金吾衛軍餘微時為渡子日嘗見一婦人

早渡午歸迨晚復渡如此者幾月李一日詰其故婦曰有夫繫獄日往給其飲食又復歸膳翁姑耳李聞其言甚憫之遂却其直早晚任其渡他日一叟見李告曰聞汝素有善念必獲善報汝有親骨未埋吾當為擇吉地瘞之後當有發因與擇一山指曰有白狐臥處即佳壤也汝可潛昇親骨埋其中李一夕往彼果見白狐稔眠不起